



“LA SARAGHINA“

Dedico questa mia poesia dialettale (riveduta e corretta) a tutti i cari amici riminesi... grazie !

“ LA SARAGHINA “

Tot i de se port u s'amocia la zeinta dint...onda al berchi de pess, i zira e i ciacra tra d'lor ad quest e ad quel, ad chi buiaza che sla su puletica iha mes l'Italia in znocc, mentre la saraghina lai guerda si su occ ciarghin e la pasa tal meni scuri e gonfi ad fadiga, di piscadur sla zendra tra i'abri cius, che pien, pien i li bota at al borsi sempre svuidi di pori pensiuned...

Lori al pensa ma quant ca gl'era in te mer senza pensier, leberi ad nudè sal su cumpagni e ad fe l'amor sa chi bei mas-ci sa cla bela saja sla schina cla lusiva cumè dal lozli te scur, dreinta at che mer che u li quarziva d'aqua fresca e ad s-cioma bienca ad merz.

Ades tra poch al finirà a sfrez sora na gradela infunghida: una bota ad qua e una ad là, e po ad lori l'arvenzerà sultent al testi brusedi senza più ch'iocc per veda...

Al speini plochi e qualche sfilacc ad pela scura, sora chi piat ad cocc ch'iha disigned un pess, che per cui dega ” lasmi nudè te mer cumè na volta...”

Luciano Monti

[Read More](#)
